

古今治平畧

古今治平畧卷之九

豫章

朱健子強父著

弟朱儼子美父訂

武林門人鍾鉉霜鳴父較

錢幣篇

周漢錢幣 三國六朝附

伏羲氏聚天下之銅仰視俯觀以爲棘幣好員法天肉方法地以蓋輕重以適有無而錢幣自此始矣太昊氏高陽氏謂之金有熊氏高辛氏謂之貨神農氏

列郵於國以聚貨帛日中爲市以交有無黃帝氏作  
立貨幣以制國用帝問於栢高曰吾欲陶天下爲一  
家有道乎對曰上有丹研者下有黃銀上有慈石者  
下有銅金上有陵石者下有赤銅青金上有代赭者  
下有鑒鐵上有葱者下有銀沙此山之見榮者也至  
於艾而時之則貨幣于是乎成黃帝乃焚山林破曾  
藪焚萊沛以制金刀立五幣設九棘之利而爲輕重  
之法財用自是作刀棘由此顯矣陶唐氏謂之泉夏  
禹之時天下大水五年人之無糧有鬻子者禹于是

採歷山之金鑄幣以贖之民用以阜至湯有天下大  
旱七年民復有鬻子者伊尹言于王請發莊山之金  
鑄幣通有無於四方以賑救之賴以不困及至成周  
武王問於癸度曰賀獻不重身不親于君左右不足  
友不善於羣臣吾不欲收穡戶籍而給左右之用爲  
之有道乎癸度對曰吾國者衛處之國也遠近之所  
通游客蓄商之所道財物之所遵攸攸入吾國之粟  
因吾國之幣然後載黃金而出君請重重而衡輕輕  
運物而相因則國策可成王曰行事奈何曰王起于

禹氏之旁金起于汝漢之右衡珠起于赤野之末光  
東南西北距周七千八百里水絕壤斷舟車不能通  
先王爲其途之遠其至之難故託用於其重因以珠  
玉爲上幣以黃金爲中幣以刀布爲下幣三幣握之  
則非有補於煖也食之則非有補于飽也先王以守  
財物以御民事善高下中幣制下上之用而天下足  
矣於是太公乃立九府圜法以掌其政令要會其法  
錢圓函方輕重以珠布帛廣二尺二寸爲幅長四丈  
爲匹故貨保于金利于刀流于泉布于布束于帛財

用足矣太公退又行之於齊至于管仲相桓公通輕  
重之權桓公嘗問於管子曰請問權數對曰天以時  
爲權地以財爲權人以力爲權君以令爲權失天之  
權則人地之權亾何也湯七年旱禹五年水而民無  
入于溝壑乞請者此守時以待天權之道也公曰吾  
欲行之奈何曰梁山之陽精廼夜石之幣天下無有  
以守國穀歲守一分以行五年國穀之重什倍與日  
請立幣重銅以二年之粟與天下相調彼重則見射  
輕則見泄故與天下調泄者失權也見射者失策也

不備失權下陰相隸此刑罰之所起而亂之本也○公  
日請問國會日幣准之數一縣必有一縣中田之筭  
一鄉必有一鄉中田之筭一家必有一家直人之用  
故不以時守郡爲無與不以時守鄉爲無伍行此奈  
何日王者藏于民霸者藏於大夫殘國亾家藏于篋  
何謂藏於民請以棧臺之錢散諸城陽鹿臺之布散  
諸濟陰君下令於百姓日民富君無與貧民貧君無  
與富故賦無錢布府無藏財貲藏於民歲豐五穀登  
五穀大輕穀賈去上歲之分以幣據之穀爲君幣爲

下幣輕穀重。上分上歲之二分在下。下歲之二分在上。則三歲者四分在上。一分在下。穀三倍重矣。邦布之藉終歲十錢。人家受食而畝加十。是一家十戶也。出於國穀策而藏於幣者也。以國幣之分復布百姓。四減國穀三在上。一在下。乘時進退。則刀布藏于官府。萬物輕重皆在于賈。故幣重而萬物輕。幣輕而萬物重。人君操穀幣金衡而天下可定也。桓公行之國以霸。強其後百餘年。周景王時。患錢輕。將更鑄大錢。單穆公曰。不可。古者天災降戾。於是乎量資幣權輕。



重○以○振○救○民○民○患○輕○則○爲○之○作○重○幣○以○行○之○于○是○乎○  
有○母○權○子○而○行○民○皆○得○焉○若○不○堪○重○則○多○作○輕○而○行○  
之○亦○不○廢○重○於○是○乎○有○子○權○母○而○行○小○大○利○之○今○王○  
廢○輕○而○作○重○民○失○其○資○能○無○匱○乎○若○匱○王○用○將○有○所○  
乏○乏○則○將○厚○取○於○民○民○不○給○將○有○遠○志○是○離○民○也○且○  
夫○備○有○未○至○而○設○之○有○至○而○後○救○之○是○不○相○入○也○可○  
先○而○不○備○謂○之○怠○可○後○而○先○之○謂○之○召○災○周○固○處○國○  
也○天○未○厭○禍○焉○而○又○離○民○以○佐○災○毋○乃○不○可○乎○將○民○  
之○與○處○而○離○之○將○災○是○備○禦○而○召○之○則○何○以○經○國○國○

無經何以出令。令之不從上之患也。故聖王樹惠於民以除之。夏書有之曰：關石和鈞。王府則有詩亦有之曰：瞻彼旱麓，榛楛濟濟。豈弟君子，于祿豈弟。夫旱麓之榛楛殖，故君子得以易樂于祿焉。若夫山林匱竭，林麓散亾，藪澤肆既，民力彫盡，田疇荒蕪，資用匱乏，君子將險哀之不暇，而何易樂之有焉。且絕民用以實王府，猶塞川原而爲潢污也。其竭也無日矣。若民離而財匱，災至而備亾，王其若之何。吾周官之於災備也，其所怠弃者多矣。而又奪之資以益其災，是

去藏而翳其人也。王其圖之王弗聽。卒鑄大錢。文曰寶貨。肉好皆有周郭。以勸農。滯不足。百姓蒙利。烏秦兼天下。幣爲二等。黃金以溢爲名。上幣銅錢。質如周錢。文曰半兩。重如其文。而珠玉、龜貝、銀、錫之屬爲器飾。寶藏不爲幣。然各隨時而輕重無常。漢興以爲秦錢重難用。更令民鑄。夾錢黃金一斤而不軌逐利之民畜積餘贏以稽市物。痛騰躍米至石萬錢。馬至匹百金。孝文五年爲錢益多而輕。乃更鑄四銖錢。其文爲半兩。除盜鑄。錢令使民放鑄。賈誼諫曰。法使天下

公得顧祖鑄銅錫爲錢敢雜以鉛鐵爲它巧者其罪  
黜然鑄錢之情非殺雜爲巧則不可得贏而殺之甚  
微爲利甚厚夫事有召禍而法有起姦今令細民人  
操造幣之執各隱屏而鑄作因欲禁其厚利微姦雖  
黜罪日報其執不止廼者民人抵罪多者一縣百數  
及吏之所疑榜笞奔走者甚衆夫縣法以誘民使入  
陷井孰積於此曩禁鑄錢死罪積下今公鑄錢黜罪  
積下爲法若此上何賴焉又民用錢郡縣不同或用  
輕錢百加若干或用重錢平稱不受法錢不立吏急

而○登○之○乎○則○大○爲○煩○苛○而○力○不○能○勝○縱○而○弗○阿○乎○則○  
市○肆○異○用○錢○文○大○亂○苟○非○其○術○何○鄉○而○可○哉○今○農○事○  
棄○捐○而○采○銅○者○日○蕃○釋○其○耒○耨○冶○鑄○炊○炭○姦○錢○日○多○  
五○穀○不○殖○善○人○怵○而○爲○姦○邪○愿○民○陷○而○之○刑○戮○刑○戮○  
將○甚○不○詳○奈○何○而○忽○國○知○患○此○吏○議○必○曰○禁○之○禁○之○  
不○得○其○術○其○傷○必○大○今○禁○鑄○錢○則○錢○必○重○重○則○其○利○  
深○盜○鑄○如○雲○而○起○棄○市○之○罪○又○不○足○以○禁○矣○姦○數○不○  
勝○而○法○禁○數○潰○銅○伸○之○然○也○故○銅○布○天○下○其○爲○禍○博○  
矣○今○博○禍○可○除○而○七○福○可○致○也○何○謂○七○福○上○收○銅○勿○

令布則民不鑄錢。黥罪不積一矣。爲錢不蕃。民不相  
疑二矣。采銅鑄作者反於耕田三矣。銅畢歸於上。上  
挾銅積以御輕重。錢輕則以術歛之。重則以術散之。  
貨物必平四矣。以作兵器。以假貴臣。多少有制。用別  
貴賤五矣。以臨萬貨。以調盈虛。以收奇羨。則官富實  
而末民困六矣。制吾棄財。以與匈奴逐爭其民。則敵  
必懷七矣。故善爲天下者。因禍而爲福。轉敗而爲功。  
今久退七福而行博禍。臣誠傷之上。不聽。是時吳以  
諸侯卽山鑄錢。富埒天子。後卒叛逆。鄧通大夫也。以

鑄錢財過王者故吳鄧錢布天下武帝時天子有事于四夷又工作繁而用侈至出御府金錢贍不足而民冶鑄累萬金不以佐公家之急於是天子與公卿議更錢造幣以贍用而摧浮淫兼并之徒自孝文更造四銖錢歲久寢少建元來縣官多往往卽山而鑄錢民間亦盜鑄雲起不可勝數錢益多而輕而是時禁苑有白鹿少府多銀錫於是有司言古者皮幣諸侯以聘享而金有三等黃金爲上白金爲中赤金爲下今半兩錢法重四銖而姦或盜磨錢裏以取銖錢

益輕薄而物貴遠方用幣煩費不省請以白鹿皮方  
尺緣以藻績爲皮幣直四十萬王侯宗室朝覲聘享  
必以皮幣薦璧乃得行又造銀錫爲白金以爲天用  
莫如龍地用莫如馬人用莫如龜故白金三品一曰  
白選重八兩圓之其文龍直三千二曰以重差小方  
之其文馬直五百三曰復小橢之其文龜直三百令  
縣官銷半兩錢更鑄三銖錢盜鑄諸金錢罪皆死而  
吏民之盜鑄白金者不可勝數於是以東郭咸陽孔  
僅爲大農丞領鹽鐵事已而有司言三銖錢輕易姦



詐乃更請諸郡國鑄五銖錢。周郭其下，令不可磨取。鑄焉，自造白金五銖錢，後五歲，赦吏民之坐盜鑄金錢死者數十萬人。其下發覺相殺者，不可勝計。赦自出者，百餘萬人。然不能半自出，天下大抵無慮皆鑄金錢矣。犯者衆，吏不能盡誅。於是遣博士褚大、徐偃等分曹循行郡國，舉兼并之徒，守相爲吏者而御史大夫張湯、方隆、貴用事，減宣、杜周爲中丞，義縱、尹齊、王溫舒等用慘急刻深爲九卿，直指夏蘭之屬始出，而大農頗與誅矣。初，吳爲濟南亭長，以廉直稱，遷至

九卿上與湯既造白鹿皮幣問異異曰今王侯朝賀以倉壁直數千而其皮薦反四十萬本末不相稱天子不悅湯又與異有隙竟案治論死自是之後有腹誹之法公卿大夫多諂諛取容乃緡錢令雖下而百姓終莫肯分財佐縣官於是楊可告緡錢縱矣郡國多姦鑄錢錢多輕于是公卿請令京師鑄官赤側一當五賦官用非赤側不得行其後赤側錢賤民巧法用之不便又廢又悉禁郡國無鑄錢專令上林三官鑄錢既多而令天下非三官錢不得行郡國所前鑄

錢皆廢銷之輸其銅三官而民之鑄錢益少計其費不能相當唯真工大姦乃盜爲之而楊可告緡遍天下中家以下大抵皆遇告杜周治之獄少反者乃分遣御史廷尉正監分曹往往卽治郡國緡錢得民財物以億計奴婢以千萬數田大縣數百頃小縣百餘頃宅亦如之於是商賈中家以上率破民偷甘食好衣不事畜藏之產業而縣官有鹽鐵緡錢之故用益饒矣元帝時貢禹奏曰古者不以金錢爲幣專意於農今漢家鑄錢及諸鐵官皆置吏卒徒攻山取銅鐵

一歲功十萬人以上中農食七人計之是七十萬人  
常受其飢也鑿地數百丈銷陰氣之精地藏空虛不  
能含氣出雲斬伐林木亡有時禁水旱之災未必不  
由此也自五銖錢起已來七十餘年民坐盜鑄錢被  
刑者衆而富人積錢滿室猶以厭足商賈求利東西  
南北各用智巧冀十二之利而不出租稅農人暴露  
中野捫草把土手足胼胝已奉穀租又出豪稅鄉部  
私求不可勝供故民棄本逐末雖賜之田猶賤賣以  
賈窮則起爲盜賊何者末利深而惑於錢也疾其末

者絕其本宜罷採珠玉金銀鑄錢之官以復以爲幣  
勿販賣除租銖之律租稅祿賜皆以布帛穀使百姓  
一○意○於○農○桑○便○而○議○者○以○爲○交○易○待○錢○而○後○通○布○帛○  
非○可○以○尺○分○寸○裂○而○用○之○禹○議○雖○志○於○古○而○近○本○然○  
膠○而○難○行○王○莽○變○漢○制○以○周○錢○子○母○相○權○於○是○造○大○  
錢○造○契○刀○錯○刀○與○五○銖○錢○凡○四○品○並○行○已○篡○漢○以○書○  
劉○字○有○金○刀○乃○罷○錯○刀○契○刀○及○五○銖○錢○而○更○作○金○銀○  
龜○貝○錢○布○之○品○凡○五○物○六○名○二○十○八○品○行○之○而○民○便○  
安○五○銖○錢○私○市○買○如○故○於○是○詔○敢○挾○五○銖○錢○者○爲○惑○

衆投四裔而貨貝憤亂終莫之能行於是農商失業  
食貨俱廢自公卿大夫至庶人用錢禁抵罪者不可  
勝數也莽又數以其意改作而貨布所由無常民莫  
知所守陷刑辟甚衆愁苦而公孫述在蜀廢五銖錢  
置鐵官鑄鐵錢民亦怨嗟之爲之語曰黃牛白腹五  
銖當復及莽述卒受誅而漢復建武初復五銖而百  
姓便安桓帝時天下大抵用不足而民困有上書請  
改鑄大錢者下四府郡僚及太學博議上太學生劉  
陶議以爲當今之憂不在貨寡在乎民飢是以先王

觀象育物敬授民時使男不逋畝女不下機誠以民  
可百年無貨不可一朝有飢故食者有國之所寶百  
姓之至貴也比年以來良苗盡於螟蝗籽柚空於求  
取所急朝夕之食所患米鹽之務豈謂錢之厚薄銖  
兩之輕重哉議者不達農殖之本多言冶鑄之便欲  
因緣行詐以賈國利造鑄之姦於是乎生此猶養魚  
沸鼎之中棲鳥焚火之上雖以陰陽爲炭萬物爲銅  
役不食之民使不饑之士猶不足無厭之求也蓋萬  
人鑄之一人奪之然且不給况令一人鑄而萬人奪

之乎。欲阜民財，在止力役，禁爭奪，國可不勞而足也。事得寢，至獻帝作五銖錢，而有四道連於邊緣，有識者尤之，曰：豈京師破壞，此錢四出也？及董卓尋戈，火焚宮室，乃劫鸞駕，西幸長安，悉壞五銖錢，更鑄小錢，盡取長安及洛陽銅人，飛廉之屬，以充鼓鑄。又錢無輪郭，文章不便，時人以爲秦始皇見長入於臨洮，乃鑄銅人，卓臨洮人也，興毀不同，凶訛相類。魏武爲相，於是罷之，還用五銖。是時不鑄錢既久，貨本不多，又更無增益，故穀賤無已。及黃初二年，魏文帝罷五銖。



錢使百姓以穀帛爲市至明帝世錢廢穀用旣久人間巧僞漸多兢濕穀以要利作薄絹以爲市雖處以嚴刑而不能禁也司馬芝等議以爲用錢非徒豐國亦所以省刑今若更鑄五銖錢則國豐刑省於事爲便明帝更立五銖錢至晉用之不聞有所改創孫權嘉平五年鑄大錢一當五百赤烏元年又鑄當千錢故呂蒙定荊州孫權賜錢一億錢旣大貴但有空名人聞患之權聞百姓不以爲便省息之鑄爲器物官勿復出也私家有者並以輸藏平畀其直勿有所耗

晉自中原喪亂元帝過江用孫氏舊錢輕重雜行大者謂之比輪中者謂之四文吳興沈充又鑄小錢謂沈郎錢錢既不多由是稍貴安帝元興中桓玄輔政議欲廢錢用穀帛孔琳之曰洪範八政貨爲食次豈不以交易之所資爲用至要乎若使百姓用力於爲錢由是妨爲生之業禁之可也今農自務穀工自務器各隸其業何嘗相妨故聖王制無用之貨以通有用之財既無毀敗之費又省運致之苦此錢所以關功雖只歷代不廢者也穀帛本充於衣食今分以爲

貨則致損其多又勞毀於商販之手耗棄於割截之用此司馬芝以爲用錢非徒豐國亦以省刑也據今用錢之處不爲貪用穀之處不爲富語曰利不百不易業况又錢便於穀耶宋元嘉中鑄四銖錢輪郭形制俱倣古五銖不爲盜鑄者所利而頗剪鑿以取銅江夏王義恭建議請鑄大錢一當兩以坊之右僕射何尚之曰不可泉貝之典以估貨爲本貨數少則幣重數多則物重多少雖異於濟用一也豈宜以一當兩崇虛價哉若今制遂行富人之貨自倍貧者彌困

懼非所以使之鈞也不聽竟鑄之已不便乃罷其後  
荇葉鸞眼綖綬諸所鑄者錢形式薄小輪郭不成而  
盜鑄者雲起雜以鉛錫又剪鑿古錢取其銅重刑不  
能禁齊奉朝請孔覲言鑄錢之幣在於輕重屢更重  
錢患于難用難用之弊小輕錢在於盜鑄盜鑄之禍  
深夫人所以盜鑄而嚴法不禁者由上之鑄錢惜銅  
而愛工也惜銅愛工者欲輕數多使工省而易成然  
工省易成則盜鑄者多刑罰之煩始此矣自漢鑄五  
銖至宋文帝四百餘年世有興廢而五銖不變者以

輕重行貨之宜也。今宜置錢府，鼓鑄輕重一準五銖。而官錢細小者，畢銷之。五銖既布，然後嚴斷剪鑿，破小缺無周郭者，令無得行。於以利貧良之民，塞姦富之路，利甚博也。梁初，惟京師及三吳、荆、鄭、江、襄、梁、益、用錢。餘州郡雜用穀、帛。文、廣全通金、銀。武帝初鑄錢，肉好周郭。文曰五銖。普通中，更鑄錢，而私鑄騰起。所在鐵錢如丘山，貨滯不行。交易者以車載錢，不復計數。而唯論買商旅姦，詐因之。以求利。自破嶺以東，八十爲百名，曰東錢。江、郢已上，七十爲百名，曰西錢。京

師以九十爲百名曰長錢後錢所益少至於末年遂以三十五爲百云陳初承梁喪亂之後鐵錢不行始梁末又有兩柱錢及鷺眼錢於時人雜用其價同但兩柱重而鷺眼輕私家多鑄錢又間以錫鐵兼以粟帛爲貨至文帝天嘉五年改鑄五銖初出一當鷺眼之十宣帝太建十一年又鑄大貨六銖以一當五銖之十與五銖並行後還當一人皆不便廢六銖而行五銖竟至陳亡齊神武霸政之初承魏猶用永安五銖遷鄴已後百姓私鑄體制漸別遂各以爲名神武

帝乃收境內之銅及錢仍依舊文更鑄流之四境未幾之間漸復細薄姦僞競起文宣受禪改鑄常平五銖且製造甚精至乾明皇建之間往往私鑄鄴中用錢有赤熟青熟細眉赤生之異河南所用有青薄鉛錫之別武平已後私鑄轉甚或以生鐵和銅至於齊亡卒不能禁後周之初尚用魏錢及武帝保定元年乃更鑄布泉之錢以一當五與五銖並行建德三年更鑄五行大布錢以一當十大收商估之利與布泉錢並行齊平已後山東之人猶雜用齊氏舊錢至宣

帝大象初又鑄永通萬國錢以一當十與五行大布及五銖凡三品並用隋初患錢品輕重不等更鑄五銖如漢而錢幣始一已大猾私鑄而錢更濫惡甚乃剪鐵葉裁皮糊紙爲之苟用相欺由此觀之始未嘗不重利權勤國力無愛銅惜工坊僞濫以幅利而未乃薄濫也元魏任城王澄筦尚書言臣聞君子行禮不求變俗因所宜而順之太和五銖初自孝文皇帝誠不易之式雖利於京邑而徐楊兗鄭各便其土之錢貿鬻不用也本律所爲禁者謂鸞眼緣鑿繆缺之




錢耳。今諸土所行非制所限而禁之失法意矣。又河北州鎮既無新造五銖舊者又斷使不行專以單絲之縑疎縷之布狹幅促度不中式者裂爲尺寸以濟有無徒勤杼軸之勞不救飢寒之苦非予恤黎元利用便民之道也。夫錢之爲名欲俗行如泉流而止非可壅塞。請太和五銖及諸古錢方俗所便者無大小聽得通行貴賤之差自依鄉價惟盜鑄不法及毀大爲小者禁。庶百貨行而公私無壅。詔從之。而河北諸州舊少錢猶以他物交易如故。故政主便民而已矣。

沈約論曰民生所資惟食與貨貨以通弊食爲  
民天是以九棘播於農皇十朋興於上代昔醇  
民未漓情嗜疎寡奉生贍已事有易周一夫躬  
耕則餘餐委室匹婦務織則兼衣被體雖懋遷  
之道通用濟乏龜貝之益爲功蓋輕而事有譌  
變姦弊代起昏作役苦故墮人去而從商商工  
事逸故末業流而浸廣泉貨所通非復始造之  
意于是競收罕至之珍遠蓄未名之貨明珠翠  
羽無足而馳綵屬文犀飛不待翼天下蕩蕩咸

以棄本爲事。豐衍則同衆。餘之資饑凶。又減田  
家之蓄錢。雖盈尺。旣不療于堯年。貝或如輪。信  
無救于湯世。其爲蠹病亦已深矣。固宜一罷錢  
貨。專用穀帛。使民知役生之路。非此莫由。夫千  
匹爲貨。事難於懷壁。萬解爲市。未易於越鄉。斯  
可使末技自禁。游食知反。而年世推移。民與事  
習。或庫盈朽貫。而高廩未充。或家有藏緡。而良  
疇牢闕。若事改一朝。廢而莫用。交易所寄。旦夕  
無待。雖致乎要。而非可卒行。先宜削華止僞。還

辟反古抵璧幽峯捐珠清壑然後驅一世之民  
反耕桑之路使縑粟羨溢同于水火旣而蕩滌  
國法銷鑄勿遺立制垂統永傳于後比屋稱仁  
豈異唐世桓玄知其始而不覽其終孔琳覩其  
末而不統其本豈慮有開塞將一往之說而然  
乎



唐宋錢幣

元附

唐初武德四年鑄開元通寶徑八分重二銖積十錢  
重壹兩得輕重大小之中其文以八分篆隸三體于  
洛并幽益桂等州皆置監而民間盜鑄者死其後盜  
鑄漸起顯慶五年以惡錢多官爲市之以一善錢售  
五惡錢民間藏惡錢以待禁施乾封元年改鑄乾封  
泉寶錢以一當舊錢之十踰年以商賈不通米帛踊  
貴復如舊然天下皆鑄私錢犯法日蕃有以舟筏鑄  
于江中者乃詔所在納惡錢于官姦不爲息儀鳳中

顧江民多私鑄爲業詔巡江官督捕而載銅錫鑪過  
百斤者沒官四年命東都糴米粟一斗別納惡錢百  
少府司農毀之武后時錢非穿穴及鐵錫銅液皆得  
用之熟銅排斗沙澀之錢皆售自盜鑄蜂起江淮游  
民依大山陂海以鑄吏莫能捕先天之際兩京錢益  
濫柳衡錢纔有輪郭鐵錫五銖之屬皆可用之或鎔  
錫摸錢須臾百十開元初宰相宋璟請禁惡錢行二  
銖毀舊錢不可用者江淮有官鑄錢偏鑪錢稜錢時  
錢遣監察御史蕭隱之使江淮率戶出惡錢而捕責

甚。吸所捕上書錢皆輸官。小惡者沈江湖。于是市井不通。物價益貴。隱之坐貶官。宋璟又請出米十萬斛收惡錢。送少府毀之。十一年詔所在加鑄。禁賣銅錫及造銅器者。二十二年宰相張九齡建議。古者以布帛菽粟不可尺寸抄勺而均。乃爲錢以通貿易。今官鑄所入無幾。而工費多。宜縱民得公鑄。議下。錄事參軍劉秩議曰。夫錢之興。其來尚矣。將以平輕重而權本末。齊相得其術。而國以伯。周景失其道。而人用弊。考諸載籍。國之興衰實繫于。是古者以珠玉爲上幣。



黃金爲中幣。刀布爲下幣。管仲曰：夫三幣握之則非，有補于煖也；捨之則非有損于飽也。先王以守財物，以御人事而平天下也。是以命之曰衡。衡者，使物高一下，不得有常故。與之在君，奪之在君，富之在君，貧之在君，是謂人主之權。今若捨之任人，則上無以御下，下無以事上，其不可一也。夫物賤則傷農，錢輕則傷賈。故善爲國者，觀物之貴賤，制錢之輕重物重。則錢輕，錢輕由于物多；多則作法收之，使少；少則重。重則作法布之，使輕。輕重之本，必由乎是。奈何而假。

于人其不可二也。夫鑄錢不雜以鉛鐵則無利。雜以鉛鐵則惡惡不重禁之不足以懲。且方今塞其私鑄之路人猶冒死以犯之。况啓其源而欲人之從令乎。是設陷阱而誘之入其下可三也。夫許人鑄錢無利則人不鑄。有利則人去南畝者衆。去南畝者衆則草不墜。草不墜又隣於寒餒其不可四也。夫人富溢則不可以賞勸貧餒則不可以威懲。故令法不可以制人之理亂皆由貧富之不齊也。若許其鑄錢則貧者不能爲恐彌貧而役于富。富者乘之而益恣是與人

利權而捨其柄其不可五也夫鑄錢用不贖者在乎銅貴銅貴在於採用者衆夫銅以爲兵則不如鐵以爲器則不如漆禁之無害誠重銅禁則銅無他用銅無他用則銅益賤賤則錢之用給矣又銅不布下則盜鑄者無因盜鑄無因則公鑄不破人不犯死刑錢又日增必復利矣是一舉而四美兼也時公卿皆以縱民鑄爲不便于是禁惡錢而其後錢又漸惡詔出銅所在置監鑄開元通寶錢京師庫藏皆滿天下盜鑄益起廣陵丹陽宣城尤甚京師權豪歲歲取之舟

車相屬江淮偏鑪錢數十種雜以鐵錫輕漫無復錢形公鑪者號官鑪錢一以當偏鑪錢七八富商往往藏之以易江淮鑪者西京錢有鶩眼古文綫環之別每貫重不過三四斤至剪鐵而緒之是時增調農人鑪錢既非所習皆不聊生內作判官韋倫請厚價募工由是役用減而鼓鑪多天下鑪九十九第五琦爲相復命絳州諸鑪鑪重輪乾元錢與開元通寶錢並行以一當五十是時民間行三錢大而重稜者亦號重稜錢法既屢易物價騰踊米斗錢至七千餓殍者

滿道初有虛錢京師人私鑄併小錢壞鍾像犯禁者  
愈衆鄭叔清爲京兆尹數月榜死者八百餘人肅宗  
以新錢不便命百官集議卒不能改由是錢有虛實  
之名代宗卽位乾元重寶錢以一當二重輪錢以一  
當三凡三日而大小錢皆以一當一自第五琦更鑄  
犯法者日數百州縣不能禁止至是人甚便之其後  
民間乾元重寶二錢鑄爲器不復出矣當時議者以  
爲錢歲毀於棺瓶埋藏焚溺其間銅貴錢賤有鑄以  
爲器者不出十年錢幾盡不足周當世之用諸道無

慮以幹鹽鐵爲重而劉晏司江南財賦以江嶺諸州  
任土所出皆重粗賤弱之貨輸之京師不足以供道  
路之直于是積于江淮易銅鉛薪炭廣鑄錢歲得十  
餘萬緡以輸京師及荆揚二州自是錢日增矣大曆  
七年禁天下鑄銅器然而民間錢益少緡帛價輕州  
縣禁錢不出境商賈皆絕浙西觀察使李若初請通  
錢往來而京師商賈齎錢四方貿易者不可勝計詔  
復禁之時兩稅以錢折納軍裝吏祿悉取給于錢以  
故錢日乏而民間苦于物輕宰相陸贄極論其弊有

曰物賤由乎錢少少則重重則加鑄而散之使輕物  
貴由乎錢多多則輕輕則作法而歛之使重是乃物  
之貴賤繫於錢之多少錢之多少在於官中盈縮官  
失其守反求於人人不得鑄錢而限令供稅是使貧  
者破產而假資於富有之室富者蓄貨而竊行於輕  
重之權下困齊人上虧利柄今之所病諒在於斯誠  
宜廣卽山殖貨之功峻用銅爲器之禁苟制持得所  
則錢不乏矣有鑿鹽以入其直有權酒以納其資苟  
消息合宜則錢可收聚錢可收固可以歛輕爲重錢

不乏固可以散重爲輕弛張在官何所不可十二年  
河南尹齊抗復論其弊以爲軍興國用稍廣隨要而  
稅吏擾人勞陛下變爲兩稅督納有時貪暴無容其  
奸二十年間府庫充牣但定稅之初錢輕貨重故陛  
下以錢爲稅今錢重貨輕若更爲稅名以就其輕其  
利有六吏絕其奸一也人用不擾二也靜而獲利三  
也用不乏錢四也不勞而易知五也農桑自勸六也  
百姓本出布帛而稅反配錢至輸時復取布帛更爲  
三估計折州縣升降成奸若直定布帛無估可折蓋



以錢爲稅則人力竭而有司不之覺今兩稅出於農人農人所有唯布帛而已用布帛處多用錢處少又有鼓鑄以助國計何必取於農人哉疏入皆不報憲宗以錢少復禁用銅器時商賈至京師委錢諸道進奏院及諸軍諸使富家以輕裝趨四方合券乃取之號飛錢京兆尹裴武請禁與商賈飛錢者搜索諸坊十人爲保自京師禁飛錢家有滯藏物價寢輕議者計許商人飛錢每千錢增給百錢然無至者復許與商人敵買而易之然錢重帛輕如故憲宗爲之出內

庫錢五十萬緡市布帛每疋加舊估十之一會吳元  
濟王承宗連衡拒命以七道兵討之經費屈竭皇甫  
鎛建議内外用錢每緡墊二十外復抽五十送度支  
以贍軍十二年復給京兆府錢五十萬緡市布帛而  
富家錢過五千貫者死王公重貶沒入于官以五之  
一賞告者京師區賜所積皆方鎮錢少亦五十萬緡  
乃爭市第宅然富賈倚左右神策軍官錢爲名府縣  
不敢劾問民間墊陌有至七十者又自建中定兩稅  
而物輕錢重民以爲患至是四十年嘗時爲絹二疋

半者爲八疋大率加三倍豪家大商積錢以逐輕重故農人日困末業日增穆宗亦以貨輕錢重民困而用不充詔百官議其弊而議者多請重挾錢之律戶部尚書楊於陵曰王者制錢以權百貨貿遷有無變通不倦使物無甚貴甚賤其術非他在上而已何則上之所趨人必從之古權之於上今索之於下昔散之四方今藏之公府昔廣鑄以貿用今減鑪以廢功昔行之於中原今洩之於邊裔又有鬪井送終之俗商賈貸舉之積江湖壓覆之耗則錢焉得不重貨焉

得不輕開元中天下鑄錢七十餘鑪歲盈百萬今纔  
十數鑪歲入十五萬而已大曆以前淄青太原魏博  
雜鉛鐵以通時用嶺南雜以金銀丹砂象齒今一用  
泉貨故錢不足今宜使天下兩稅榷酒鹽利上供及  
留州送使錢悉輸以布泉穀粟則人寬於所求然後  
出內府之積收市廛之滯廣山鑄之數限邊裔之出  
禁私家之積則貨日重而錢日輕矣宰相善其議由  
是兩稅上供留州皆易以布帛絲織租庸課調不計  
錢而納布帛唯鹽酒本以榷率計錢與兩稅異不可

去錢焉。文宗太和三年詔佛像以錫鉛土木爲之。惟  
鑑盤釘鐶鈕得用銅。餘皆禁之。已又病幣輕錢重。詔  
方鎮縱錢谷交易。時雖禁銅爲器。而江淮嶺南列肆  
鬻之。鑄千錢爲器。售利數倍。宰相李珣請加鑪鑄錢。  
于是禁銅器官爲一切市之。天下銅坑五十歲采銅  
二十萬六千斤。及武宗廢浮屠法。永平監官李郁  
請以銅像鍾鐸皆歸巡院州縣。蓋多銅矣。監鐵使以  
工有常力不足。加鑄許諾道觀察使。皆得置錢淮南。  
使李紳請天下以州名鑄錢。京師爲京錢會。宣宗卽

位盡黜會昌之政新錢復鑄爲像昭宗末京師用八百五十爲貫每百纔八十五云周顯德二年世宗以縣官久不鑄錢而民間多銷錢爲器及佛像錢益少乃立監采銅鑄錢自非縣官法物及寺觀鍾磬鈸鐸之類聽留外自餘民間銅器佛像五十日內悉令輸官給其直過期隱者論刑有差時上謂侍臣曰卿輩勿以毀佛爲疑夫佛以善道化人苟志于善斯奉佛矣彼銅像者豈所爲佛耶且吾聞佛志在利人雖頭目猶捨以布施若朕身可以濟民亦非所惜也嗟夫

令之而行禁之而止爲人所難者其惟世宗乎欲禁銷錢并毀銅像夫銅像人所敬畏尚且毀之錢不可銷必矣蓋錢所以權百貨平低昂其鑄之也不計費不謀息而銷之可不禁乎雖然上好遠方之貨則錢散而四出舟遷車轉入于他國歸于蠻夷以不貨之價靡有限之錢雖萬國爲銅陰陽爲炭猶且不給區區器像亦曷濟乎而不聞世宗有闕越之禁則其不以泉貨貿遠方之珍可知也故惟至廉無欲然後可養生人之共寶世宗不可謂知本末者哉宋初鑄

宋元通寶輕重一准唐開元凡諸州輕小惡錢及鐵  
銀錢咸禁限一月送官違限者罪私鑄者棄市而銅  
鐵閉出境外及諸番罪有差當是時銅錢有四監饒  
州曰永平池州曰永豐江州曰廣寧建州曰豐國而  
京師并鄂杭州南安軍各有監久之廣南安南平聽  
樸用舊錢如川蜀因其故勿擾桂陽上銀課天子曰  
古者不責難得之貨後代賦及山澤上加侵削下益  
剝敝深疚於朕心縱未能捐金於山亦豈忍奪人之  
利相陽監歲所輸銀課其減以利民轉運副使張鄴



言州峽故乏銅諸所用鐵錢十直銅錢一後彌益賤請市夷人銅斤給鐵錢千可以大獲銅鑄錢而令民輸官府錢者卽乏錢毋得輸鐵錢聽輸銀絹以充候銅錢多乃輸錢從之轉運使聶何及判官范祥謬言民願輸錢則以月俸所得錢昂取直市之民民益苦乏錢或發古冢毀佛像取銅坐罪者甚衆知益州辛仲甫論糺之而祥詠等皆坐免三司度支判許申建議請以藥化鐵與銅雜鑄錢輕重如錢銅三分有奇鐵六分有奇錢成費省而利倍詔聽之然銅雜鉛錫

卽液流速而易成雜以鐵則液流澁而難就初中白  
詭月鑄錢可萬緡已僅得萬錢以坐斥太宗時用紀  
元鑄錢曰太平通寶淳化改鑄又親嘗淳化元寶作  
真行草三體成文後每更鑄皆曰元寶而各以其紀  
年冠之然輕重率準開通慶曆中西事棘而軍乏需  
陝西都運使張奎知永興軍范雍請鑄大錢與小錢  
兼行大錢一當小錢十奎徙河東又請因晉州積鐵  
鑄大錢於晉澤二州亦以一當十佐關中軍未幾罷  
而陝右復采儀州銅置博濟監鑄大錢已又勅江南

鑄之而江池饒儀等州又勅鑄小錢悉輦至關中數  
州錢雜行以故盜鑄者衆而錢文大亂物價淆買不  
可得知公私患之知并州鄭戩請河東鑄鐵錢二當  
銅錢一行之一年又以三當一或以五當一而契丹  
亦鑄鐵錢易並邊銅錢於是三司使葉清臣與學士  
張方平等議以爲關中用大錢之所以弊者本縣官  
取利太厚致姦人盜鑄而用輕也此年來皆虛高物  
估以徼什一之利始增直於下終取償於上縣官雖  
有折當之虛名乃受虧損之實害救弊不先自損則

法未易行。請江南儀商等州大銅錢一當小錢三。小鐵錢若河東小鐵錢皆以三當一。而罷官所鑄爐。便自是姦人稍無利。而盜錢多。卒未能絕也。其後罷商州所鑄青黃銅錢。又合陝西大銅鐵錢皆以一當二。盜鑄衰止。而折二錢大行。然兵民艱於資用多咨怨。先是當十錢行。中書人丁度言。漢之五銖。唐之開通。及國朝通寶。輕重大小。最爲得衷。歷代改更。法雖精密。不能期年。尋卽改鑄。議者欲繩以峻法。革其盜鑄。而終已不行。今禁旅戍邊。月給百錢。得大錢裁十不

可時零行使舊錢不出新錢愈輕邊芻糧乏價必增矣臣知湖州時有抵茶禁者人受十錢輒立契代受鞭背刑官京西時盜殺人罪死計所盜弊衣直不能數百錢則利惑之也况盜鑄之利重其何以禁之已竟不行熙寧初王安石持議言錢不足而用錢非銅禁之不嚴以鼓鑄者少而不給也請弛民間鑄錢之禁而邊關無譏於是京西淮南兩浙江西荆湖諸路各置監鑄錢江西湖南額課十五萬緡餘路十萬緡有差已諸務無慮務增額以爲功而所鑄錢銅錫難

而肥惡易毀又私鑄厖雜元豐末西師起而邊儲卽  
徐州置寶豐監歲鑄折二錢二十萬緡輸之邊而所  
行青苗免役諸法無慮皆徵錢民無從得錢而錢荒  
於是判應天府張方平具疏言夫鑄錢禁銅之法舊  
矣令敕具載所以握天下利權無令倒置也自熙寧  
新勅除前禁邊關海舡重車飽載沿邊州軍每貫獨  
收稅錢一二而止錢本中國貨寶舉以與四夷共之  
曾不限隔又自弛銅禁民銷鑄十錢得精銅一兩造  
作器用獲利五倍如此則雖逐州置鑪每鑪增額亦

猶賦漕之入。而以供尾閭之泄也。豈有足哉。且公私發歛。其則不遠。百官羣吏三軍之俸給。夏秋糶買穀帛坑冶場監之本價錢之所發也。屋廬正稅茶鹽酒酤之課。若今率錢募役。青苗入息之法。錢之所歛也。民間貨布一仰於官錢。官錢之出少而賦錢之入多。卽錢將安出。而公私上下並苦之矣。元祐初始罷免役。青苗錢之法。申錢幣關山之禁。而諸鑄錢監新置者。皆罷熙豐間銅鐵錢。並行銅錢千易鐵錢千五百。後鐵錢寢輕。乃命公私給納貿易並專用鐵錢。而官

幣銅錢運致之內郡已不便乃通行如故及蔡京當  
國用陝西轉運副許天啟議鑄當十大錢每貫重十  
有四觔七兩赤側烏背以御書聖宋通寶爲文募民  
閒私鑄丁作出爲縣官便并其家設營以居之號鑄  
錢院用倣古招天下亡命卽山鑄銅之意而所鑄錢  
於陝西行鐵錢地公鼓鑄於諸路行銅地分使用絕  
私鑄之患又用河東運判洪中孚言二虜益市中國  
鐵錢爲兵器器犀利若雜以鉛錫則脆不爲虜所利  
宜改鑄夾錫鐵錢行之每緡銅八斤黑錫半之白錫



三之一而夾錫錢一折銅錢二直本輕不與銅錢等而法必欲其重乃嚴擅易撻減之令凡貿易不受夾錫錢聽告糾細民蒙其患而私鑄者兢起又止搜索告捕之法嚴官司漏逸之罪天下騷然知蘓州章傑言盜鑄宜準淮東囊橐強盜之法籍家予告者而居停鄰保並坐大觀星變肆赦有司上盜鑄得罪者姓名乃五十數萬人民慘毒而宋南孝宗時舒蘄守臣以鑄錢增羨遷官而民擾理宗時楮幣興積錢有禁而民離監察御史陳求魯言議者以楮便於運轉而

訾園法爲無用申積錢之禁至嗾盜賊以窺人之閭  
奧峻刑法以發人之窖藏然臣竊思國之大患在於  
錢之荒而不在於錢之積也今藩舶巨艘形若山嶽  
乘風駕浪深入遐陬販於中國者皆浮靡無用之異  
物而洩於外夷者乃國家富貴之操柄錢之不耗於  
海舶也無幾矣京城之銷金衢信之鑰器醒泉之樂  
具臨川隆興之銅工錢之不壞於器物者無幾矣今  
京邑鑰銷濫靡之器飾公行於市而莫之禁香藥象  
牙犀角之類可珍玩者又上下交重之乃置專急於

民之積錢不已遠乎惟陛下昭示儉德化自土始并  
靡費之物賤難得之貨使風行俗易此端本澄源之  
道始唐憲宗時商賈至京師委錢諸路進奏院及諸  
軍使家而輕裝趨四方合券取償命曰飛錢而京兆  
尹裴武猶恐行久滋偽難質易請禁之便宋置便錢  
務許商入錢左藏庫而飛諸州錢償之猶之券質錢  
也其後蜀人患鐵錢重不便齎資私爲券貿易謂之  
交子每一交爲錢一緡以三年爲界而換之六十五  
年爲一十二界後貲衰不能償所負蜀以多訟四川

轉運使薛田議以爲廢之則貿易不通聽之則爭訟  
滋起請官爲交子務提衡之私造者禁而交楮始屬  
官於是置益州交子務以方寸之紙飛錢致遠官權  
其出入而爲之限禁然非積錢爲本固不能以自行  
也其後舊交子二十二界將易而後界給用已多詔  
更造二十五界者百二十五萬以償前二十五界之  
數交子有兩界自此始又後用兵湟廓西寧藉其法  
給糴買召募之用多至數百萬緡較天聖一界逾二  
十倍更界之歲又以新加舊而交價愈增大觀中不

蓄本錢而增造無藝。父子賤不行，至引一緡僅當錢十數。而法大病。紹興初，大軍屯婺州，有司請椿辦合用錢，而陸載錢重難致，則請造關子付州將召商入中，以給軍。商人執關子詣權貨務，請錢願得茶鹽香藥雜貨者，聽於是。州縣以關子充糴本，未免抑配，而權貨務又止以日輸三分之一償之，得錢艱滯道路，嗟怨矣。其後金以錢少用不給，造交鈔與錢並用以十年爲限。納官以舊易新，諸路官置庫受之，買取工墨錢十五文實始以楮爲錢。南宋倣之，造會子行之。

諸合發官錢並充會子輪左藏庫初行止於兩浙後  
通行於淮西湖北京西除鹽本質錢外他用率以楮  
糴本以楮官俸給以楮軍士支犒州郡支應亦以楮  
諸路不通舟載者上供錢許用楮沿流州軍錢楮參  
半用民間典賣田宅馬牛舟車率如之願全支受者  
聽而卽楮爲錢佐國用矣時叅政沈位爲上言用會  
子必官常有錢百萬緡稱提之乃得行蓋會子價減  
卽以錢提收貯之候闕乃復出故行也苟造楮多而  
收換留難無以示民信恐不必行高宗深然之其後

偽造者多而昏爛者不收果折閱不行賈似道作銀關一準十八界會子之三廢十七界會子不用而楮益賤物益貴國大耗弊總而論之泉布之設乃阜通財貨之權財貨之所由生者也考之於古如管子論禹湯之幣禹以歷山之金湯以莊山之金皆緣凶年故作幣以救民饑考之周官司市凡國有凶荒則市無征而作布又考單穆公諫景王之說古者天災流行於是量資幣權輕重作弊以救民然則是商周之時所以作錢幣者蓋權一時之宜移民通粟爲救荒

而設本非先王財貨之本也。所以三代以前論財賦者皆以穀粟爲本而九貢九賦用錢幣爲賦甚少。至于領田制祿君卿大夫不過以采地爲多寡亦未嘗以錢帛爲祿。故其人多地著不爲末作。蓋緣錢之用少所以錢之權輕。漢初有天下猶存古意自王公至佐吏班職高下俱以萬石千石百石爲數。則亦以穀粟制祿而人民出錢不過口筭。至武帝有事四夷國用不足乃始立告緡之法以括責天下自此古意漸失。錢幣方重大抵三王以穀粟爲本布帛爲權常不



使權勝本所以當時地利既盡浮游末作之徒少後世此制既壞以匹夫之家藏錙千金與王公爭衡古意漸失故貢禹之徒欲全廢此惟以穀帛爲本此則見害懲艾矯枉而過直矣後世如魏文帝時天下盡不用錢貢禹之論畧已施行遂有濕穀薄絹之弊反以天下有用之物爲無用其意本以重穀帛而適以輕之然則天下惟得中適平爲最難方其重之太過一切盡用及其廢之太過一切盡不用二者皆非也自漢至隋其帛布更易雖不可知要知五銖之錢最

爲得中故五銖之法終不可易自唐至五代惟武德  
時初鑄開元最得其平故開元之法終不可易何者  
論太重則有所謂直百當千之錢論太輕則有所謂  
榆莢三銖之錢然而皆不得中惟五銖開元銖兩之  
多寡鼓鑄之精密相望爲不可易宋初用開元爲法  
錢可久行自太宗以張齊賢爲江南轉運務欲多鑄  
錢自此變法錢雖多其精微不及前代當時唯務得  
多不思大體夫國家之所以設錢以權輕重本末未  
嘗取利論財也彼計不精者但以鑄錢所入多爲利

而不知權歸公上之利也。夫鑄錢雖多利之小者，權歸公上利之大者。徒徇小利，錢便薄惡。如此姦民務爲權，不出於公上，利孔四散，是以小利而失大利矣。或者自緣錢薄惡，後議論紛紛，或立法以禁惡錢，或以錢爲國賦，條目不一，皆不揣其本而齊其末，總而論之，如周如秦如漢五銖如唐開元，其規或可以爲式，是錢之正也。若一時之所鑄，如劉備鑄大錢，以足軍市之財，第五琦鑄乾元錢，是錢之權也。如漢武帝以鹿皮爲幣，王莽以龜貝爲幣，是錢之害也。至于唐

渡以錢爲患數十年矣。百物皆所以爲貨。而錢并制其權。錢有輕重大小。又自以相制而資其所不及。蓋三錢並行。則相制之術盡。而猶不足。至造楮以權之。凡當時之所謂錢者。反聽命於楮。楮行而錢益少。此其所同患而不能救者也。夫率意戲造。猥以補一時之闕。而遂貽後日之憂。大都市肆四方所集。不復有金錢之用。盡以楮相貿易。擔囊而趨。勝一夫之力。輒爲錢數百萬。行旅之至於都者。皆輕出他貨以售楮。天下陰相折閱。不可勝計。其弊豈惟使錢益少。而他

貨亦必并乏。是設法以消天下之利。孰甚於此。且錢之所以上下尊之。其權盡重於百物者。爲其能通百物之用也。積而不發。則無異於一物。銅性融液。月鑠歲化。此其賸天下之實亦已多矣。夫徒知錢之不可以不積。而不知其障固而不流。徒知積之不可以不多。而不知其已聚者之不散。役楮於外。以代其勞。而天下有坐鎮莫移之錢。此豈智者之所爲哉。雖然。壅天下之錢。非上下之所欲也。用楮之勢。至于此也。賈行者有千倍之輕。兌鬻者有什一之獲。則楮在而錢

人。楮尊而錢賤者。固其勢也。貴莫如珠金。賤莫如泥沙。至錢而平矣。先王之用幣也。錢居其一。而後世之用錢也。他幣至於皆廢。誠以爲輕重之適也。故夫天下之貨。未有可輕於錢者也。一朝而輕千倍。曾不爲後日之計者。何也。雖然。又有疑焉。計當日之錢。自上下而下者。有兵之料。有吏之俸。自下而上者。州縣倚鹽酒雜貨之入。而民之貿易以輸送者。大抵皆金錢也。故雖設虛券以陰納天下之錢。而猶未至於盡藏而不用。而猶患其少者。大要天下百物皆貴。而錢賤。瓜

貌果蓏魚鱉牛彘凡山澤之所產無不盡取者非其  
有不足也而何以至此且以漢唐之賦祿較之於宋  
用錢之增爲若干以承平之賦祿較之於當日其用  
錢之增又若干東南之賦貢較承平之所入者其錢  
之增又若干昔何爲而有餘今何爲而不足然則其  
患錢多而物少錢賤而物貴也明矣天下惟中民之  
家衣食或不待錢而粗具何者其農力之所得者足  
以取也而天下之不爲中民者十六是故割中民以  
奉之故錢貨紛紛於市而物不能多出於地夫持空

錢以制物猶不可而況於持空券以制錢乎且錢幣之權當出於上則造錢幣之司當歸於一漢時常令民自鑄錢及武帝則專令上林三官鑄之而天下非三官錢不得行郡國用所鑄錢皆廢銷輸其銅三官然錢以銅鐵鉛錫而銅鐵鉛錫搬運重難是以歷代多卽坑冶附近之所置監鑄錢亦以錢之直日輕其用日廣不容不多置監冶鑄以供用中興以來始轉而爲楮幣夫錢重而直少則多置監以鑄之可也楮輕而直多則就行都印造足矣今既有行在會子又



有川引淮引湖會各自印造而其末也收換不行稱提無策何哉蓋置會子之初意本非卽以會爲錢蓋以茶鹽鈔引之屬視之而暫以權錢耳然鈔引則所直者重而會子則止於一貫下至三百二百鈔引只令商人憑以取茶鹽香貨故必須分路會子則公私買賣支給無往而不用且自一貫造至二百則是明以之代見錢矣又况以尺楮而代數斤之銅資輕用重千里之遠數萬之緡一夫之力尅日可到則何必川自川淮自淮湖自湖而使後來或費或用號令反

覆民難疑惑乎蓋兩淮荆湖所造朝廷初意欲暫用而卽廢而不知流落民間便同見鏹所以後來收換生受只得再造遂愈多而愈賤不知錢與楮猶權衡也有輕重則有低昂分毫之力不與焉蓋錢與楮皆本無用可以貿有用之物則人用之便如古所謂粟易械器械器易粟有無以相易則何資于錢如古所謂治田百畝歲用千五百之類小大粗足何資于楮自物貨難於阜通可是假圖法以流轉故言錢則曰平準所以見有是錢必有是物而後可準平也錢易

得則物價貴踊此漢唐以後議論也自商賈憚于般  
挈于是利交子之兌換故言楮則曰稱提所以見有  
楮必有是錢以稱提之也楮多易得則金錢貴重此  
宋紹興以後議論也平準稱提皆以權衡取義而低  
昂有在於輕重明矣陸贄謂錢多則輕必作法以飲  
之趙開謂楮多則輕必用錢以收之今日病在楮多  
不在錢少如欲錢與楮俱多則物益重矣且未楮之  
時諸物皆賤楮愈多則物愈貴計以實錢猶增一倍  
蓋古貨通有無止錢耳錢難得則以物售錢而錢重

錢易得以錢售物而錢輕復添楮以佐錢則爲貿通  
之用者愈多而物愈貴古人惟重本政穀粟桑麻及  
諸食用物本也錢末也楮又末之末矣元初倣宋金  
之法有行用鈔世祖中統元年始造交鈔以絲爲本  
每銀五十兩易絲鈔一千兩諸物之直並從絲例是  
年又造中統元寶鈔其文以十計者四以百計者三  
以貫者二每一貫同交鈔一兩兩貫同白銀一兩又  
以文綾織爲中統銀貨其等有五而銀貨蓋未及行  
云凡鈔之昏爛者委官就交鈔庫以新鈔剗換除工

墨三十文其貫陌分明微有破損者並令行用違者  
罪之所倒之鈔解赴省部焚毀隸行省者就焚之十  
二年添造釐鈔其例有三尋以釐鈔不便于民命罷  
印然元寶交鈔行之既久物重鈔輕二十四年遂改  
造至元鈔凡十有一等與中統鈔通行每一貫文當  
中統鈔伍貫文依中統之初隨路設立官庫貿易金  
銀平準鈔法偽造者處死首告者賞鈔五錠仍以犯  
人家產給之其法爲最善然鈔本以紙造易于昏爛  
又貫有成幅零畸貿易不便碎貼成宗時鄭介夫議

曰前宋銅錢與交會並行以母權子而母益貴是時  
民間貧無置錐者亦有銅錢官會之儲無他子母相  
權而行也。今國家造鈔雖廣而散之民間者甚少民  
得之者亦其難。無他輕重失相權之宜也。夫天下之  
物重者爲母輕者爲子前出者爲母後出者爲子若  
前後倒置輕重失常則法不可行矣。漢以銅錢而權  
皮幣之重皮幣爲母銅錢爲子宋以銅錢而權交會  
之重交會爲母銅錢爲子國初以中統鈔五十兩爲  
一錠者蓋則乎銀錠也以銀爲母中統爲子旣而銀

已不行所用者惟鈔而已。遂至大鈔爲母，小鈔爲子。今以至元一貫，准中統五貫。是以子勝母，以輕加重。以後踰前，非止於大壞極幣，亦非吉兆美識也。夫鑄銅爲錢，乃古今不易之法。盜賊難以賣，將水火不能消滅。世世因之以爲通寶。言者謂鑄一錢費一錢，無利於國。殊不知費一錢，可得一錢。利在天下，卽國家無窮之利也。先賢常曰：鑄錢無利，所以能久。正謂費本之多，故民間盜鑄者少。然國課自有見銅以銅價計之，亦不至於大費工本。惟鈔用本之輕，故僞造者

紛然立法雖嚴終莫能戢言者又謂錢重不可致遠  
尤爲愚昧夫國家輸運則鈔爲輕費百姓貿易則錢  
爲利便二者相因而未嘗相背卽子母相權之說此  
理甚明無足疑者今請造銅錢以翼鈔法雖於國未  
見近利將有大利於民耳如一歲造鈔一百萬錠五  
歲該五百萬錠紙之爲物安能長久五年之間昏爛  
無餘逐年倒換盡皆燒燬則五百萬錠舉爲烏有所  
存者僅工墨鈔十五萬錢而已如一歲造銅錢二百  
萬散在天下並無消折歲累一歲布流益廣雖億千



萬年猶同一日。所謂鈔爲一時之權宜錢爲萬世之  
長計也。今鈔中明具錢貫卽是銅錢之形。古者懷十  
文而出可以醉飽而歸。民安得而不富。今則懷十文  
鈔而出。雖買米救渴亦不能敷。民安得而不貧。何也。  
農家終歲勤動。僅食其力所出者。穀粟絲綿布帛油  
漆麻紵雞豚畜產等物。所直幾何。若得銅錢通行。則  
所出物產可以零星交易。不致物價消折。得錢在手  
隨意所用。入多而出少。此所以益富。今窮出僻壤。鈔  
既難得。或得十貫一張。扯拽不開。若肯物還鈔。則零

不肯貼欲盡鈔買物則多無所用展轉較量生受百  
端或喪婚之家急切使用只得以家貨物賤價求售  
貨不直錢而利則盡歸於商賈一輩此所以益貧詳  
今用錢之便有三一則歷代舊錢積可以取資國用  
二則市廛交易不煩貼換免有挑僞昏爛疑認之憂  
三則國之所出者鈔民之所出者貨鈔以鉅萬計國  
不可以得民貨貨以時零計民不可以得國鈔若使  
時零之貨可易銅錢則鉅萬之鈔自然流通此國與  
民兩便之計也議雖善未見施行武宗至大二年又

改造至大銀鈔定爲十三等元之鈔法至是蓋三變矣大抵至元鈔五倍于中統至大鈔又五倍于至元明年初行錢法立資國院泉貨監以領之鑄錢曰至大通寶者每一文准銀鈔一釐曰大元通寶者准至大錢十文與歷代錢通用其當五當三折二並以舊數用之然未及期年仁宗卽位以鼓鑄弗給新舊資用其弊滋甚而鈔之倍法太多輕重失宜遂詔銅錢與銀鈔並罷而革所立院監專用中統至元二鈔焉時楊朵兒只曰法有便否不當視立法之人爲廢置

夫錢以權物。鈔以權錢。古之道也。何可遽廢耶。言雖不用。時論寔之。後順帝至正十年。丞相脫脫欲更鈔。法吏部尚書僕哲篤迎其意。請更造至正交鈔。以鈔一貫。權銅錢千文。鈔爲母錢。爲子。下廷議。祭酒呂思誠曰。本錢鈔之相爲用者。以虛換實。以實權虛也。今歷代錢與至正中統至元鈔交鈔分。而小民將藏其實。而棄其虛。鈔用折閱。國何利乎。僕哲篤曰。至元鈔多僞。故更之耳。思誠曰。至元鈔非僞。人爲僞耳。不能革人心而變法。何益。至元鈔僞。人猶識之。交鈔人未

之識僞將滋多。僉哲篤曰：錢兼行也。則何如？思誠曰：不可行也。夫錢之於鈔，輕重不論，豈有以故紙爲母而立銅爲之子，走不聽卒定更鈔之令，仍鑄至正通寶錢歷代銅錢並用以實鈔法？十一年置寶泉提舉司，掌鼓鑄至正通寶錢，印造交鈔，令民間通用行之。未久，物價騰湧，價逾十倍。又值海內大亂，軍儲供給，賞賜犒勞，每日印造不可數計。舟船裝運，軸轆相接，文料之散滿人間者，無處無之。昏軟者不復行用。京師料鈔十錠，易斗粟不可得。旣而所在郡縣皆以物

貨相貿易公私所積之鈔遂俱不行人視之若敝楮而國用由是遂乏矣

草木子曰元世祖中統至開元立鈔法以至元  
寶爲母中統交爲子子母相推而行中統二貫  
準至元二百文一貫準至元一百文行之四五  
十年中統以費工本多尋不印行獨至元鈔法  
通行用以權百貨輕重民甚便之至正間丞相  
脫脫當承平無事入邪臣賈魯之說欲有所建  
立以求名於後世別立至正交鈔料既窳惡易

敗難以倒換遂澁滯不行及兵亂國用不足多  
印鈔以賈兵鈔賤物貴無所於授其法遂廢鳴  
呼蓋嘗考之非其法之不善也由後世變通不  
得其術也元之鈔法卽周漢之質劑唐之錢引  
宋之交會金之交鈔當其盛時皆用鈔以權錢  
及當衰叔財貨不足止廣造楮幣以爲費楮幣  
不足以權變百貨遂滯而不行職此之由也必  
也欲立鈔法須使錢貨爲之本如鹽之有引茶  
之有引引至則茶鹽立得使鈔法如此烏有不

行之患哉。當今變法宜於府縣各立錢庫貯錢。若干置鈔準錢引之制。如張泳四川行父子之比。使富室主之。引至錢出。引出錢入。以錢爲母。以引爲子。子母相權。以制天下百貨出之於貨。輕之時收之。於貨重之日權衡輕重與時宜之。未有不可行之理也。譬之池水。所入之溝與所出之溝相等。則一池之水動蕩流通。而血脉常活也。借使所入之溝雖通。所出之溝既塞。則水死而不動。惟有漲漏浸淫。而有濫觸之患矣。此



其理也、當時不知徒知嚴刑驅窮民以必行所  
以刑愈嚴而鈔愈不行、此元之所以卒於無術  
而亡也、

國朝錢幣

洪武初置寶源局于應天鑄大中通寶錢與歷代錢兼行已勅戶部及各行省鑄洪武通寶當十當五當三折三若小錢凡五等當十錢重一兩當五重五錢當三折二重如其當之數而小錢重一錢嚴私鑄之禁八年詔中書省造大明寶鈔取桑穰爲料制方高一尺闊六寸許色青黑外爲龍文闊橫題其額曰大明通行寶鈔關中爲三方上方爲篆文中圖錢貫狀下方具奏准行使及僞造告捕之法上鈔一

貫折銅錢于文銀一兩自五百文遞而降至百文而止凡六等而各布政司設寶源局鑄小錢通之尋罷設無常永樂中以鈔法不通令諸有以金銀錢物相貿易者以姦惡論告捕者以所易金銀克賞鈔昏爛許入行用庫換易收工墨直蓋國家欲以寶鈔統天下利權而銅錢作爲使通行之制甚設而鈔易昏爛難久藏雖有剝換之令然收受艱難終廢不行成化中南京鎮守言鈔法已不行隨遣御史鄭瑄往按之衆以謂非起大獄申著令法不可墊念著令

已峻○非法意往○獨捕一二市豪○以獻日市人聞令下○皆震懼○今鈔法通矣○事遂止○然○洪武時賜鈔千貫○爲銀百兩○金二十五兩○而○永樂中鈔千貫爲銀十二兩○金止二兩五錢矣○及○弘治時鈔三千貫不過四兩餘矣○自是鈔法遂廢○格不行而自○京師達四方○無慮用白銀○卽寶源局所鑄通寶錢○與上代錢乃間行至○國家經賦亦惟獨收花文銀○蓋五金惟黃金爲上幣○物至精不變○白金次之○赤金又次之○故幣有三品○乃物理之自然○豈智計哉○今釋金錢不用而

欲以桑穰工墨之力善昏爛不可復之物爲上幣以  
權金錢固宜其不能行也近議者欲以銀爲上幣鈔  
爲中幣錢爲下幣鈔若錢以上幣權之每銀一分值  
錢十文鈔新製者貫直錢十文中折者直三昏爛直  
一甚者以塩法阻壞欲更重鈔法幾以盡餘塩之利  
而重鈔必峻刑且逆自然之理而鈔終不可得重久  
必折閱始之直千錢者終至于下直一文而止况鈔  
既折閱昏爛卽當更造乃設官置局諸工墨費顧鉅  
浩不訾于利權何當哉故夫申三品泉布之法弛用

銀之禁制其操柄毋愛銅惜工以爲天下先豈非因  
自然之理順勢乘便而道之所符哉 嘉靖初 諭  
戶部議錢法浙江巡按御史潘倣言兩浙鹽糧商稅  
課程俱收錢鈔固爲常規但浙中錢鈔素不通行官  
軍領出貿易俱減其價遂使奸徒射利平居則半價  
收買臨期則全估包納至官軍轉鬻又復如是展轉  
相欺夫以鈔取小民銷銖之餘而委填奸人豁壑之  
欲甚非所以裕國而恤民也乞准收折銀解納布政  
司給散官軍俸鈔從之十三年 命工部造 嘉靖

通寶錢依

洪武折二當三當五當十式各三萬文

續解貯庫十五年御史閻隣等言

國朝所鑄錢幣

有二一日制錢如

祖宗列聖及

皇上析鑄

洪

武

永樂

嘉靖等通寶是也次日舊錢歷代所鑄

如開元祥符太平淳化等錢是也百六十年來二錢

并用民咸利之雖有偽造不過竊真售廣其于原制

不甚相遠也邇來

京師之錢輕裝薄小觸手可碎

字文雖存而點畫莫辨甚則不用銅而用鉛鐵不以

鑄而以剪裁粗具肉好卽名曰錢每三百文才直銀

一錢耳作之者無忌用之者不疑而制錢迭爲鑄過  
乞榜示五減許以舊制二錢通行其偽造私藏者期  
以半月自行銷毀犯者論如律因以所獲偽錢進呈  
上亦惡其濫惡詭異 命都察院亟揭榜禁約如敢  
有仍前鑄造及阻抑者嚴偵捕之治以重罪久之以  
新舊諸錢定爲二則上則七十文准銀一錢中則倍  
之官司收稅亦准此例已又出內府貯錢折給俸糧  
是時民間行用濫惡錢卒以三四十文當銀一分及  
後益雜以鉛錫薄劣無復形裂至以六七十文當銀



一分狡僞者或剪楮夾其中卒不可辨乃詔嘉靖  
通寶錢以七十文准銀一分洪武等年號錢與前  
代雜錢上品者俱如例其餘視錢高下以爲差准一  
切私造濫錢悉禁止犯者置之法然小錢行用既久  
繁華之小民頗稱不便又出內庫錢給文武官俸不  
論新舊年號及錢美惡悉以七十文折筭由是諸錢  
巾易者亦以七十文抑勒于民民益騷然屬連歲太  
稔四方流民就食京師死者相枕籍議者咸謂錢  
法不通所至于是御史何廷鈺條陳時政言許民用

小錢致與戶部郎中劉爾牧相計上怒斥爾牧而命錢法且從民便候行之十年再議然諸濫惡小錢以初禁之嚴雖奉旨間行竟不復用而民間又競私鑄嘉靖通寶錢與制錢通行嗣是命寶源局及南京雲南鑄造制錢發民間貿易既而所鑄不一有金背火添旋邊等名民通行久之言官建議鑄旋艱難工匠勞費請革其鑄車以爐澆代之于是鑄工競雜鉛錫圖易剗治而輸郭祖舊色澤慘暗與前迥大不侔矣由是奸僞之徒做做盜鑄濫惡日滋貿易

不通至有朝入手而廢棄者商民悔忿併金背等錢俱不受授閭閻大困其盜鑄入報罪死終不能止

上憂之問閹臣徐階弊源階詳舉顛末奏之因上請曰濫偽諸錢既不能強民通行而寶源局仍鑄不已有五害焉戶工二部每歲以二萬八千餘金投諸無用之地一也中奸猾之計開私賄之門二也朝廷以之給賞而蒙恩者受無益之賜三也官府以此給商民而領受者有虧苦之怨四也局中之人生享其利而朝廷之錢法日阻禁嚴之令因之不行大損

國體五也。今不若停止寶源局鑄造其部中應給錢者卽以鑄錢之銀代給之則奸弊革而私鑄上用法伸而羣情便矣。從之。于是罷寶源局鑄錢法。隆慶元年錢法不通。詔議所以復民者。戶部奏言錢法之弊其說有三。當嘉靖初年崇文門等處稅課皆徵錢。官吏俸給小民貿易皆資于錢。故錢之用廣。其後舖戶濫收惡錢以充俸鈔錢稍不售及稅課專徵銀而不徵錢。又民間止用制錢而不用古錢。于是錢法始壅一也。又法令踈濶私鑄者多真偽混淆則

煩陳擇太精則礙行使二也又無知小民聽信訛言  
轉相搖惑謂制錢且罷遂格不行三也臣等以爲偽  
錢及濫惡者可禁勿用其餘若洪武以來制錢并  
一切舊錢俱宜聽民間兼行其稅課房號行戶等銀  
俱令收錢如偽造及阻撓低昂價值者重罪之如此  
則偽錢不售錢法自通詔從其議未幾侍郎譚綸  
陳言足國必先富民欲富民必重布帛菽粟而賤銀  
欲賤銀必行錢法以濟銀之不及今之議錢法者皆  
日鑄錢之費與銀相當朝廷何利焉臣以爲歲鑄

錢一萬金則國家增一萬金之錢流布海內鑄錢愈多則增銀亦愈多是藏富之術也又謂錢雖鑄民不可強夫錢者泉也謂其流行而不息也今之錢惟欲布之于下而不惟輸之于上故其權在市井而不朝廷又識以年號亦不克有壅而不通之患請歲出工銀一百二十萬發兩京各省開局設官專任其事其所鑄錢卽以備次年官軍俸糧兼支折色之用以後鑄錢多則工本當益省錢制必輕重適均每歲錢十文值銀一分不足則稍重其制俱以大明通

實爲識期可行之萬世從前制錢及先代錢悉聽民  
便新錢盛行舊錢自止又令民得以錢輸官如稅糧  
起運折色文銀六錢四存兩折色及官軍俸糧罪贖  
紙錢俱從中半取錢如此則百姓皆以行錢爲便雖  
欲強其用銀不可得矣從之 萬曆初 上從科臣  
議行天下省直一體開局鼓鑄與在所舊錢兼行務  
便民毋擾且嚴私鑄之禁降錢式每錢百文重十有  
三兩每文重錢有三分必輪郭周正文字明潔以銅  
質厚卽易爲全美也蓋倣古不愛鋤惜工之意使私

鑄者無利不禁而自止諸省故行錢地未論卽素非  
行錢地亦鼓舞稱便蓋以錢白金而用之易耗而難  
復銷白金而行之易滑而難精固不如錢行之爲便  
也然方開鑄初許借官帑銀于州縣收買黃銅鼓鑄  
其紅銅焠點成黃而用之而吏責民輸銅銷器毀成  
不盡給其直責銅急而銅價騰躍非產銅地苦之尤  
甚則是未得錢之利而已被銅之害也弊一矣及旣  
開局工作之費物料之需諸翻砂看火提錐之人到  
眼穿條薰色之匠與煤銅質雕錢模之工又多費而



不○訾○然○可○諉○曰○不○愛○銅○而○惜○工○比○錢○始○流○民○樂○奉○今○  
則○銅○以○告○乏○鼓○鑄○不○給○而○錢○曾○莫○之○繼○也○是○患○不○在○  
于○錢○之○不○行○而○在○于○錢○之○不○繼○不○在○于○錢○之○不○繼○而○  
在○于○銅○之○不○廣○錢○不○繼○銅○不○廣○而○欲○其○如○流○泉○焉○行○  
地○而○不○窮○者○否○也○弊○二○矣○無○何○而○私○錢○盛○行○混○聚○滿○  
市○耳○目○眩○瞀○而○民○無○所○措○手○足○夫○是○低○錢○也○質○輕○銅○  
假○字○文○磨○糲○乃○民○間○私○鑄○非○前○代○若○我○朝○制○錢○也○  
而○私○鑄○之○法○明○峻○而○不○申○聽○其○兼○使○收○買○之○科○姑○息○  
而○不○立○重○以○雷○難○則○是○不○患○于○真○錢○之○不○行○而○患○于○

爲錢之錯行。偽錢錯行而欲真錢通行而不壅者否。  
也。獎三矣。及既行使。請解京貢賦之入。固必精良白。  
金而可矣。卽藩省祿給存留鹽稅薪俸工食之類。又。  
輒以錢不便行而不收。所謂張示告誥責之必行。與。  
罪其不行者。非先之賣菜之傭。則責之荷擔之子也。  
雖設行舖。名爲倒換。實恣留難。見錢之出而不見其。  
入。則是壅抑之于上。而責其必行之于下。勒收受于。  
彼。而不開倒換于此也。夫誰與行之。乃民愚相扇閉。  
匿觀望。而姦豪右族依北城社者。又從而簧鼓之。以。

濟其不便之私。一日而令下。三日而閉匿。不三四日而中沮矣。又安望其必行乎。夫錢寶于金。利于刀。而取法于泉。泉者來有源而流不竭者也。語曰。卽山鑄銅。誠原本初議。今誠于國家產銅之處。開局鼓鑄。特設風憲大臣監督之。以開其源。而漕輸之。各省各省具如今部司議。凡課程之征。贖之。錢。十以錢爲課。爰上而朝廷資于之典。宗室之祿。百官之俸。皆準銀錢兼收。又立行戶令。以白金倒換。而稱提之。則斂于止。而復散于下。收于此。而提引之于彼。如泉。

之赴擊轉注而不窮而又嚴低錢行使之禁以峻防  
之其銅廢者皆收之以入于官而諸用銀貝之地悉  
遵詔旨各從其故不強其所不便庶四弊去而錢  
法其有行哉

古今平畧

國朝文粹

卷八

五十八